

欽定大清會典事例

欽定大清會典事例卷七百二

兵部

郵政 郵遞

郵遞。康熙十五年議准。督撫提鎮特叅貪官巨憝。及具題大計。軍政薦舉。奏銷錢糧等事。准用火牌一張。填馬二匹。如同駐紮一城。同日拜發者。統用火牌一張。亦止填馬二匹。其餘尋常事。彙至三件以上。封固由驛站遞送。儻違例專門填及三件者。亦封固由驛站遞送。儻違例專差填用火牌者。部科覈叅。照多填馬匹例議處。

○十六年議准

聖駕巡幸之處本部於各衙門取筆帖式各二員於八旗取領催各二名安塘馳報仍行該撫道如所設驛站馬匹不敷將別站馬匹調協應付違者叅處○三十一年議准直省文武各官及駐防將軍都統副都統有慶賀表箋不許專差齎送擾累驛站有總督省分彙入總督衙門恭進無總督省分彙入巡撫衙門恭進至奉天吉林黑龍江將軍慶賀表箋專差恭進其所屬各副都統彙入各該將軍衙門恭進○又題准驛遞

鋪兵傳送往來公文。府州縣等官不時稽察。令其依限速遞。若不稽察。致有耽延。沈匿諸弊。該管官每案罰俸三月。○又議准。恭遇

巡幸。有封發奏摺本報等事。必須按限專遞。始無遲誤。由部遴委筆帖式領催將館所馬匹於

東華門外豫備馳送。並將該筆帖式領催職名知會

景運門直班護軍統領。○四十五年覆准。河道總督有關繫河務緊急題奏本章。交與驛站迅速馳送。於牌票上書明緊急字樣。限日到京。沿途

司驛官將接收交送時刻於牌票上填註繳部稽察。如有違誤。照例查叅。○雍正五年覆准直省本章。遇有微涇破損。或由本處拜發之時。已封不謹。或由沿途齎送不謹。應分別叅處。嗣後督撫提鎮有本章。將裝本原箱嚴密封固。於到京之日。令提塘及齎本官役將裝本原箱由通政使司閱看。或係內裏微涇破損。抑或外面微涇破損。查驗明確。一面揭送內閣。一面咨明本部。行查議處。如內裏微涇破損。將具題官罰俸六月。外面微涇破損。係專差者。將差官罰俸六

月。差役筭四十。由驛站遞送者。挨查係何驛微  
溼破損。將馬夫筭四十。司驛官罰俸兩月。至駐  
防官將軍都統副都統等有本章微溼破損者。  
亦照此例行。○又覆准驛站遞送公文。令司驛  
官各立印信號簿。上站號簿。用下站官印信。每  
月底彼此移送查覈。儻有沈匿。即行詳報。若沈  
匿尋常公文一角。馬夫杖六十。每一角加一等。  
司驛官各減二等議處。如沈匿軍機緊要機密  
公文。不拘角數。馬夫杖六十。徒一年。司驛官不  
准減等。即行革職。若有規避者。各從重論。○九

年議准。文武各官來往公文。有事關軍機及緊要刻難遲緩者。一面由馬上飛遞。一面將飛遞緣由。知會驛道備案。其收受飛遞公文之衙門。並沿途轉送之各州縣驛。亦將何年月日收受轉送飛遞公文之處。知會驛道。該驛道察明。按季填冊呈報督撫。督撫於年終咨部查覈。其一應尋常事不准飛遞。有違例者。降三級調用。如收受飛遞公文之衙門。並沿途轉送之各州縣驛。竟不知會驛道。通同容隱。或驛道徇庇失察。及驛道已經揭報。督撫並不叅者。皆照私用驛。

站夫馬例分別議處。○乾隆三年議准奉天將軍及五部府尹有緊要公文交

盛京兵部由驛遞送尋常咨行在京部院及咨行各省公文歸併直隸提塘辦理由通州知州發鋪司交提塘查明分送至在京部院發往奉天各衙門緊要公文由部交驛遞送尋常公文均交直隸提塘由通州知州發鋪司即送到奉天所屬地方交馬快即送。○七年奏准由軍機處交出發寄外省督撫提鎮緊要公文均由內閣加封交部再行加封轉發或照常飛遞或晝夜



限行三百里。或限行六百里。由部於月底照彙奏勘合火牌之例繕摺奏

聞。○八年

諭。今歲秋閒。朕恭謁

祖陵。所有內外本章。按日呈覽。部院臣工摺奏。隨本進呈。一切辦理事宜。與朕在京無異。惟是外省督撫提鎮等奏摺。向來俱係差人齎奏。此等齎摺之人。道途遙遠。萬一馬羸疲乏。風雨阻行。未免稽遲時日。著自起鑒之日為始。凡有外省奏摺。俱齎赴在京總理事務王大臣處加封。交內閣隨本呈送。行在候朕批示。

隨本發回。仍於總理處交付齎摺之人祇領。○十年  
覆准。嗣後奉天將軍等有緊要奏摺。照例准騎  
驛馬。若尋常奏摺。自備腳力。不許擅騎官兵防  
汎之馬。○十一年議准。各省督撫提鎮。凡接到  
內廷封發事卡。於接到之日。即將原遞火票。並接  
到日期及所收事件數目。遇驛遞之便。或月底  
即行繳報。查覈如逾限不繳者。兵部挨站行查。  
將沈匿管官嚴加叅處。○十三年

諭置郵傳命。所以速機務而赴公程。靡愆畧刻。職綦重  
也。

皇考世宗憲皇帝因直省驛務廢弛曾特遣大臣及給事中御史巡方糾察郵政稍為振肅邇年來未遣專員蓋因驛遞乃封疆要務既有督撫大吏董率稽覈又有驛道專員恪共職掌自應加意經理毋少曠怠朕因川省用兵恐地方官積習相沿或致延緩特命派員安設臺站而往來文移報匣轉送多不如期經稽查大臣叅奏軍行要路尚爾他省大概可知著傳諭各省督撫責成驛道務令殫心籌辦實心整飭如有仍蹈前轍漫不經心者該督撫即行叅處其懍遵毋忽○十四年

諭。朕巡幸所至。見驛馬需用甚多。此皆各部院發京事  
件。並不俟本報一同發往。各任意交發所致。驛馬甚  
關緊要。豈可任意擅動。嗣後各處發京事件。著於本  
報發回之便。彙齊交發。如有速行刻難緩待者。著行  
在兵部。將某日某衙門所交某事。十日一次彙奏。兵  
部所發事件。亦著造入。如道路不遠。為期不至十日  
者。著於回京後再行具奏。○又

諭。直省設立臺站。原欲其遞報迅速。不得任其曠廢。稽  
遲。上年金川之役。初以驛務廢弛。屢經飭諭。始知加  
意整頓。郵政以肅。朕緣其時軍遽稠密。需用馬匹繁

多。非尋常可比。是以傳諭令於稽覈之中。寓以寬恤之意。蓋從前本應治罪。而不咎其既往。復且念其微勞。原係格外殊恩。非謂驛遞必俟軍興始應整理。而平時即當惰廢也。夫營驛應差。俱有限程。夫馬奏銷。久著成例。本不得稍有通融。若因朕有恩旨。不思前此廢弛為罪。但知後此辦理無誤。即以為功。則是平日之任意稽延。漫無稽考。竟為分所當然。豈設立驛站之本意。著通行傳諭各督撫。令其隨時稽察。留心振作。儻以非關軍務。即可怠緩從事。以致漸復廢弛者。惟該督撫是問。○又奏准凡交兵部馬上飛遞者。

俱係奉

旨速行。或軍機處關繫緊要事件。非逐日所常有。若候彙齊數件始發。先後之間。恐轉致稽遲。應交兵部隨到隨發。至交塘站遞送文書。雖係尋常事件。但既屬公移。理宜迅速。應交兵部行知各省。毋得仍前玩忽延緩。○十八年奏恭遇

巡幸。經由地方官酌量道路遠近。設立臺站。將兵部各衙門筆帖式領催撥往。以備馳送往來本報及緊要公務。該筆帖式等。除接收轉遞之外。別無一事。原給口糧。由地方官供應。不免分外需

索地方官又以該筆帖式等係由京撥往無所  
鈐割諸事或多掣肘嗣後嚴行訓飭如稍有擾  
累即行查叅奉

旨。嗣後凡應行安臺之處該督撫照例安設報明該部  
所有馳遞事件即於本省武弁內酌量委用並令於  
數站之內遴委地方官一人往來稽察十日彙報行  
在兵部一次以憑察覈其由京委撥筆帖式領催之  
處永行停止。○又奏准恭遇

巡幸。所有撥往臺站之筆帖式領催現今奉

旨永行停止。令於本省武弁內酌量委用。惟

東華門外。向由部委筆帖式領催帶館所驛馬。豫備馳送奏章本報及緊要公務。今各省雖委武弁。而

東華門係京城收發彙總之處。所有內閣及各衙門交發之事。並有自外遞者。皆待收領。原與別站不同。應照舊將兵部筆帖式領催遴委。○又奏准北路定邊左副將軍安西提督及哈密西藏等處奏摺。或事關軍務。或途徑遼遠。仍准其由驛馳奏外。其西甯綏遠城等處。不准其由驛遞奏。至各省督撫將軍提鎮等。如遇緊要事件。



及奉

旨由驛遞奏者。仍准其由驛限行六百里馳奏。但不  
得以尋常雨水糧價等事。一併附入。如係地方  
案件。恐差員齎送遲緩者。則許馬上飛遞。或於  
日行三百里之外。酌量加限里數。不得概由六  
百里馳奏。即奉

旨係六百里發往之件。該督撫於奉到後。酌量情形。  
分別緩急。亦不必概用六百里奏覆。其餘奏報  
一切尋常事件。概遵舊例。差員并家人雇傭齎  
進。儻以尋常事件。及並未奉

旨由驛遞奏。竟行由驛遞奏者。軍機處查出。將擅行遞發之督撫。嚴行叅奏。交部議處。○十九年議准各省齎送本章。俱撥差二人。填馬二匹。儻一人有病。留滯中途。該地方官查明出結。於火牌內註明扣騎馬一匹。令一人依限馳送。如該差捏稱患病稽留。該地方官不行查出。遞行出結者。照不行查明給結。罰俸一年。倒罰俸一年。其慶賀表箋。豫期封固嚴密。給發傳牌。定立限期。交與塘站遞送。令各該提塘收接投遞。即將傳牌繳部查覈。○二十年議准嗣後凡有慶賀表

箋俱令具彙齊各該督撫衙門。照例由驛馳送。令該督撫嚴飭差弁。毋得藉端需索夫馬。以致滋擾驛站。○又奏准查各臺站接到文報。必將事由並年月日時。由何衙門何處發遞。或夾板或報匣幾件。用何色袱裏。逐一登明號簿。方交弁員馳遞。弁員即立時加緊飛遞。而此登記之項。不無片刻稽遲。通計各省軍臺共百有餘站。每站稽遲片刻。即積至數時之緩。莫如豫為刊印號單。將一定字樣先行刊就。止空年月日時。衙門官銜及件數色樣等字。臨時填寫馳送。自

必更加捷速。其號單令各地方官照式刊印釘簿分發。一遇文報到站。即時填寫飛遞。不得藉故遲延。○二十七年

諭。各省督撫提鎮職任封疆藩臬二司。為通省錢穀刑名總匯。員缺緊要。遇有丁憂事故。向俱專差奏報。其在近京各省。尚不致稽遲。若邊遠省分。長途齎奏。往返需時。嗣後雲南貴州四川廣東廣西福建甘肅湖南等省。督撫提鎮藩臬等大員。遇有丁憂事故。著由驛限日行四百里馳奏。以便即行簡放。庶要缺不致久懸於邊省地方營伍事務。均有裨益。○三十四年

議准甘肅省嗣後除藩臬兩司及經費局文移封發新疆聞展以外南北各城者准其遞送外其餘內地各衙門文職自道員以下武職自副將以下有應向新疆各處衙門行查事件俱呈送督撫將軍副都統提鎮兩司移行查辦概不准自行咨移違者嚴叅議處○三十五年

諭本年六月內軍機處封寄古州鎮總兵哈國興諭旨一道令沿途驛站探聽投遞乃遲至兩月始據覆奏竟係各驛站將前旨直遞古州復從該處發回哈國興於八月初四日在湖南辰州地界接到已逾四十

餘日之久。雖哈國興未經馳驛。且告假由伊本籍赴黔。以致中途相左。但該鎮經由地方。自必住宿坊店。其曾否經過。何難一問而知。乃竟冒昧傳郵。不加詢察。按程而計。其誤當始於河南。而以下各站。亦均難辭咎。本應查開交部察議。念係外誤。有因。姑從寬免。此後各省遇有探聽投遞印封。其經由驛遞。務須訪查明確。如期妥交。不得以非馳驛官員。無從稽考。希圖卸責。如再漫不經心。致有遲誤。定將有驛各官。照例議處。斷不輕貸。○三十七年

諭。外省各督撫提鎮等奏摺。俱著齎摺人前赴熱河行

在投遞。惟進哨以後。仍照例交留京辦事處加封。轉交內閣。隨本呈送。○又覆准督撫提鎮大臣。拜發奏摺。及原摺。齎回。已經升調他處。如係地方營伍公事。有底案可稽者。接任之員。查明開拆。如係該員本身陳奏事件。令接任之員。專差齎送交收。若在新疆各處。即齎交陝甘總督。遇有臺站送事之便。一同發交。其軍營地方。即齎送各該省督撫轉交。○又覆准各省督撫。咨商文移。如尋常事件。仍由鋪塘各兵遞送。如緊要事件。照兵部發票之例。將限行里數。及某日時封發之

處填註火票遞到該省時。按程數對。如有稽遲。查取職名送部議處。至緊要公文限行六百里者。若不依限馳遞。照扣關公文遲延例降一級調用。又議准嗣後無論軍營以及

內廷交發各省將軍督撫等報匣夾板並軍機處加封書字。暨外省拜發題奏本章。均關緊要。應通行各督撫將接遞過一切事件。開明程站限行里數。以及接遞入境出境月日時刻。某站於某時某刻接收。於某時某刻遞交下站。有無遲緩。逐一登明。按月造冊送部。以憑查覈。三十



九年

諭。通年駐蹕熱河時。所有各省奏摺。俱令齎摺人徑赴行在投遞。朕得以每日批閱。甚為便捷。惟進哨以後。外省摺奏。仍照舊例。交留京辦事處接收。隨本報三日一送。其中或有緊要事件。往來守候。未免略需時日。因思向來所以如此辦理者。以行圍時。不許外人輕入圓場衝突耳。哨門以外。則固衆人可至之地也。著自明年為始。朕進木蘭後。兵部即派妥幹司員一人。住於哨門外。其各省齎摺人。均令至彼處將奏摺交該司員接收。按日由臺馳送。朕仍得每日披覽。於

事既無滿澤。至發回後。亦由該司員付各廣摺人領回。伊等亦不致過於久候。實為兩便。著為例。○又覆准軍營文報動關緊要。自不宜稍有洩漏。以昭慎重。嗣後如有私拆公文之事。各該辦事大臣即將何件公文拆動之處。報知該督實力查究。仍一面奏參。將該管臺站員弁。及管理臺站之大員交部議處。○又覆准各省大臣官員。由驛遞奏事件。向俱咨明兵部。轉交奏事官員查明具奏。至各省大臣官員專差齎奏。係該差等親交奏事官呈遞。是以並無隨咨。嗣後俱令出具

隨咨。交廣奏員弁同奏摺一併交奏事官查明轉奏。以憑查覈。○又覆准軍營緊要文報。現在馳遞絡繹。若以常行事件。亦概限六百里馳遞。非特紛擾驛站。徒勞馬力。且恐各站視六百里為泛常。遇有緊要軍報。轉不知加緊馳遞。所關匪小。嗣後川省軍營。凡有本省尋常事件往來。概不許混填五六百里限期。仍著該督等實力嚴飭。如有仍前混填者。一經查出。即將該管各員嚴行查明參奏。○又議准軍臺官兵。如有將報匣夾板及兵部加封事件擅敢拆動。以致洩

漏事情者。無論官兵馬夫。均按軍法從事。其專管臺站之文武員弁革職拏問。該管臺站大員降四級調用。至軍營往來文移札稟。凡有關軍需糧餉調遣兵馬。及升調叅革官員等項情事。應令發遞時俱用釘封。鈐蓋印記。如臺站書吏人等有將公文私自拆閱察出者。究明情節。問擬流罪。其專管臺站員弁知情不舉者。降三級調用。失察者。降三級留任。管理臺站大員降二級留任。若下站官弁接遞上站公文。見有拆動形迹不行具報者。降一級留任。如該管官及該

管大員自行查出報明究治者免議。○四十年  
覆准嗣後京外文移按照省分遠近隨到隨時  
稽察。如有遲延照鋪遞耽延例議處。○又議准  
各省公文往來經由道路酌改徑捷以便郵遞。  
山東至山西遞送公文向由河南遞送計程二  
千餘里應改由厯城齊河一路入直隸景州至  
河間轉遞高陽歸清苑一路大站遞至井陘入  
山西可近五百餘里江南移咨湖北公文向由  
安慶府屬之楓香驛送交黃梅縣轉交停前驛  
接遞計程六百四十里應改由廣濟縣屬之雙

城站徑遞至停前驛。可近二十里。浙江移咨廣西公文。向由江西王山至進賢。繞南昌高安。而達清江。出萍鄉。由湖南轉遞。應改由進賢徑遞豐城。達清江轉遞。可近一百二十里。浙江咨湖南公文。向由江蘇等省遞送。計程三千九百三十里。若由江西遞至湖南醴陵轉遞。計程二千二百六十五里。可近一千六百餘里。但係山徑步送。較之馬力遲速不同。嗣後如係緊要限行六百里公文。大路雖紆。而馬遞較快。可先到一日有餘。應仍其舊。其限行三百里者。步遞程站

較近。可早到六日。應改由此路遞送。江西咨貴州公文。向由湖北過湖南而達貴州。計程三千四百三十五里。應自江西徑遞至湖南醴陵等縣。至貴州可近六百十五里。又江西行蘇州公文。向由湖北入江南。至蘇州計程一千九百七十五里。應改由玉山至浙江轉遞蘇州。可近二百一十里。但山路崎嶇。不能馬遞。其六百里公文。仍由湖北遞。馬程迅速。尚可早到一日二時六刻。若三百里公文。則由浙江徑遞。較早七時七刻。湖南咨江西公文。向由湖北轉遞。計程

一千八百三十里。應改由醴陵萍鄉一帶馳遞。可近四百六十里。湖南咨福建公文。向由湖北江西省城轉遞。應改由醴陵從江西豐城一路遞送。可近一千一百里。湖南咨江蘇浙江公文。向由湖北江西安徽等省轉遞。若改從醴陵一路轉遞。至浙江可近一千二百里。至江蘇可近二百四十里。但限行六百里公文。江西境內。向例每日止限行四百里。浙江境內。每日止限行三百里。按程覈計。轉致耽延。應仍照原路馳遞。其三百里公文。程途既近。較之大路浙江減省。



四日江蘇減省一日四時應改由醴陵一帶接  
遞廣東咨四川公文向由樂昌出境歷湖南湖  
北轉遞計程六千四百零五里應改由封川出  
境歷廣西貴州轉遞可近一千五百八十八里  
廣西咨福建公文向由蒼梧出境至廣東轉遞  
計程三千九百四十二里應改由全州歷湖南  
江西轉遞入福建計程三千二百十九里可近  
七百二十三里又廣西懷遠與貴州永從交界  
由此至貴州省城計程一千六百七十五里水  
程三站較由全州大道可近九百八十九里又

由懷遠出境。歷貴州入四川赤水。計程三千一百八十里。水程三站。較由金州大道可近一千一百九十四里。俱應改從徑捷。雲南咨陝西。及由陝西轉遞甘肅公文。向由貴州湖南湖北河南遞送。計程五千四百七十五里。應改由宣威州出境。從貴州威甯州入四川轉遞。計程四千三百四十五里。可近一千餘里。江南總督總河。以今歲每年夏秋赴徐州防汎。河南省為黃河上游。設有長水緊急公文。必須徑達工次。徐州府與河南歸德府本屬聯界。由商邱入碭山至徐

州計程三百餘里。向無正站。應於商邱縣設立腰站。如遇緊急公文。由此直遞江南碭山縣。防汛事畢。即行撤回。○四十一年

諭向來朕巡幸起鑾後。內閣將內外本章。按三日一次。由驛索遞行在。候朕披閱。至謁

陵日期。在京內閣。仍封送如常。行在內閣。則扣存另進。舊例未免過拘。朕省方所至。照常日理萬幾。閣章間日郵呈。正可隨時批發。非若在宮時。遇大齋

大祀慶典。令辰之應行停本也。况每年八月。朕駐蹕熱河。遇萬壽日。中秋節。本章隨到隨遞。並不停進。餘可

類推矣。嗣後凡值巡幸如遇停本之期在京內閣仍  
俟日彙送行在內閣亦按日並呈概不必停扣。著為  
令。○又

諭外省督撫提鎮等官奏摺朕駐蹕熱河時著齋摺人  
赴熱河投遞至進哨以後著兵部選派司員二人住  
於哨門外。經管臺站。各省齋摺人赴哨門外即交兵  
部司員接收按日由臺馳送行在批覽發回後仍由  
該司員各付齋摺人領回該部通行傳諭知之。○四

十四年

諭各督撫轉行例得具摺之各衙門嗣後奏摺除地方

緊要事件。應即請旨速辦。及詢問晴雨情形。並交查  
新舊展賑借種等事。諭令由驛覆奏者。亦准酌量輕  
重緩急。由幾百里馳遞。其餘概不許濫動驛馬。違者  
照例議處。○四十九年覆准。直省各屬鋪司。照馬遞  
公文之例。每廳州縣派撥兵房經書一名。設立  
循環號簿。遇一切鋪遞公文。按日填註。某日送  
某衙門公文幾件。係某鋪司承送。至送交下鋪。  
即領取回照。覈對銷號。該管州縣。十日查驗號  
簿一次。按月申報總理郵傳衙門。於年終報部  
查覈。其鋪遞公文。若有耽延沈匿。該管官每案

罰俸一年。五案以上。降一級留任。十案以上。降一級調用。○五十一年

諭。近日雨水稍多。本報屢次遲誤。看來因蘭溝土溝各河水發橋衝所致。霸昌道駐紮懷柔。止能往來照料。密雲至古北口一帶河道橋梁。其蘭溝等處已屬艱長。莫及著兵部堂官遴派滿洲司官一員。駐紮蘭溝。豫備人夫船隻。遇本報發來及各處文報。即照料令其速行。毋致再有阻滯。或於十日半月後一行更換。即兵部滿堂官。遇大雨時。亦當輪換一人來往查看。嗣後朕每歲駐蹕熱河。俱照此辦理。○五十四年

諭前因京中本報遲誤。經兵部叅奏。交在京吏兵二部。將文武員弁議處矣。本報馳遞耽誤。因山水驟發。所致。尚非有心遲誤可比。嗣後如有實因山水陡發。遲逾三日者。將文武各員弁查明議處。以示懲儆。若在一兩日以內者。竟可免議。○五十八年

諭向來各省督撫提鎮。往往有陳奏事件。令齎摺差。分日進呈。希圖見長。屢經降旨訓飭。誠恐日久因循。復萌故智。著一併通行飭知。除實係地方緊要事務。聽其隨時具奏外。其不過照例尋常之件。務遵前旨。彙總齎遞。毋蹈陋習。○五十九年

諭尋常地方事務。不得由驛馳奏。原因無關緊要之件。擅用驛遞而言。若各該省有倡教惑衆之案。及事關緊要者。自應由驛迅速奏聞。候朕訓示。於此等要務。而不由驛具奏。國家安設驛馬何用。以必應驛遞之事。差人齎遞。何不曉事體緩急。若此。○六十年

諭各督撫等。差人陳奏事件。不必於封函上黏籤開明次序。其由驛馳遞者。亦不許於傳牌內開註事由。況由驛之摺。有用五六十里馳遞者。自係緊要事件。又豈可豫行宣露耶。○嘉慶五年

諭國家設立驛站。原為馳遞軍報及地方緊要事件。從



前康熙年間勅辦吳三桂時有筆帖式齎信由滇省  
十數日至京之事。彼時各省尚未通設驛站。是以該  
處官員親行馳奏。嗣因軍務緊要。恐致稽延。設立驛  
馬。以備齎遞。其非用兵省分。遇有地方要件。自應由  
驛馳奏。但必須權其輕重。豈可率意行用。其六百里  
奏摺。非軍報。自不輕用。即四五百里奏報。由驛站經  
過。雖不知其所奏何事。而沿途皆知其為某省所發  
之報。未免妄行擬度。徒駭聽聞。定例擅動驛馬。處分  
綦嚴。乃近來督撫等。往往以尋常奏事。亦附驛呈遞。  
殊屬非是。著再通諭各督撫等。於應行差人齎遞之

摺。毋得靳惜小費。擅用驛馬。即應驛遞者。其里數亦應斟酌事之緩急。毋得任意濫用。違者必當一體交部嚴議。決不稍貸。○六年

諭。外任大臣。凡遇應奏尋常事件。謝恩摺奏。向例俱專差人呈遞。如稍有緊要事件。方由驛馳奏。新疆各城大臣等。從前曾蒙

皇考高宗純皇帝。因念伊等相隔較遠。始

加恩體恤。令所有新疆諸大臣等。遇有應奏一切事件。俱賞給驛馬呈遞。是以年節賞賜各大臣等福字荷包藥物等件。接奉後。謝恩時。亦俱如應奏公務。由驛

馳奏從無因私事而勞驛馬馳遞者。時當盛暑。軍務尚未告竣。馬匹往返飛馳。軍報不停。自必甚屬疲乏。此等無關緊要之事。從關外既經由驛發來。按站傳遞。孰敢稍事遲緩。自必照緊要事件。轉遞下站。以致驛馬不得稍息。甚無謂也。嗣後遇有公務。仍照例由驛呈遞。若為無關緊要私事。濫行勞動驛馬者。定行交部議處。決不姑貸。○又奏定。嗣後各省塘驛。沈匿平常公文一角者。馬夫杖六十。每一角加一等。罪止杖一百。該管之員。其沈匿一角者。罰俸六月。二三角者。罰俸一年。四五角者。降一級留任。

六七角者降二級留任。八九角者降一級調用。十角以上者降三級調用。如官員親齎文移。匿失者。照此例加一等議處。應議降三級調用者。議以革職。若於軍情機密一切文移。毋論官員兵丁遞送。及匿失多寡。俱革職提問。○九年

諭。前據御史朱桓條奏廣西備東穀石不得挪運。又土民應試不准土官阻抑二款。當經降旨令軍機大臣寄信百齡詳查辦理。乃恩長奏到據稱此旨到時。百齡業已起身陞見。伊因護理撫篆。竟將廷寄拆閱。辦理等語。殊屬非是。嗣後護理印篆之員。凡遇軍機處

遞到印封。其書面書寫何人姓氏者。應交本人拆閱。其尋常印封。無本人姓氏。交該衙門開拆。方准署理之員拆看。○又議准。軍機處交兵部加封寄往各省書字。其封面書寫何人姓氏者。應交本人拆閱。如本任官升調他處。並來京陛

見護理及接任之員。不得拆閱。即轉遞交本員祇領。若尋常印封。無本員姓氏。交該衙門開拆者。方准署任之員拆閱查辦。○十年

諭各省馳遞部文。均關緊要。況由釘封發往。尤應加謹包護。小心馳送。兵部向來於軍機處交發事件。及各

部院緊要公文皆用釘封紙捻。但程站遙遠。若沿途  
間遇陰雨。難免滲溼。設釘封不固。必有私自拆閱情  
事。非所以昭慎密。嗣後兵部於發往外省公文。有應  
行釘封者。毋庸釘封。著改用夾板包固完密。加貼印  
花。以杜疏漏之漸。○又奏准各部院衙門釘封公文。  
均係各該衙門應行慎密之事。關係緊要。始行  
釘封。交兵部發驛馳遞。應仍令各該衙門照舊  
釘封後。交兵部再加夾板包固。黏貼印花。籤發  
火票馳遞。至軍機處交發事件。仍由軍機處固  
封。交兵部捷報處加具釘封。再用夾板包固黏

貼印花發遞其每歲需用夾板繩紙等件行文戶工二部豫期支領備用。○十一年奏准官員遞送公文如有不依原行題寫處所錯遞他處者係尋常公文將首站官罰俸一年如下站不行查出輒行轉遞者罰俸六月若係扣關公文將首站官降一級調用下站官降一級留任。

又

諭向例進哨行圍時各省差人陳遞奏摺俱齎至哨門交兵部所派官員接收轉遞行營每候彙至四件始行轉遞因思各省差人事件亦有關繫緊要者若必

彙齊至四件方行馳遞。究恐失之遲緩。嗣後各省差人之摺。著兵部官員於哨門接收兩起。即可由臺站轉遞行營。但不必加緊馳遞。如遇本報及各省驛遞奏報經過之日。即可附便馳遞。○十五年奏准軍機處交發各省加封書字。由軍機處固封。交兵部捷報處加具釘封。用皮紙油紙包封黏貼印花。再加黃布總封。復黏貼印花。棉紙包裹將夾板拴縛妥協。發驛馳遞。其報匣亦一律辦理。兵部每年需用夾板繩紙黃布。豫期行文戶工二部支取備用。歲底奏銷。○又奏准軍機處發交



公文各省州縣驛站接遞時將限行里數接到日時及有無擦損拆動之處於排單內註明傳至末站繳部查覈如有擦損拆動情弊即取上站甘結並另備布紙將公文包裹完好黏貼本站印花在排單內聲敘轉遞外仍即飛報該督撫一面奏

聞一面將擦損拆動公文之驛站官弁人等提省審訊從重分別懲處○道光四年奏定軍機處交寄西北兩路將軍大臣加封書字及各處發京摺奏均由軍站馳遞

西路自昌平州迤龍觀軍站起經由山西天鎮縣枳

兒嶺軍站。陝西榆林縣榆林軍站。甘肅靈州花  
馬池軍站。至肅州直隸州酒泉軍站。出嘉峪關  
北路自昌平州迴龍觀軍站。至  
宣化縣宣化軍站。出張家口。其內外各衙門

與西北兩路將軍大臣往來應行馬遞公文均

由驛站馳遞

西路自良鄉縣固節驛起經由山  
西平定直隸州甘肅鞏昌驛陝西潼關

廬潼關驛。甘肅涇州直隸州安定驛等處。至肅  
州直隸州酒泉驛。出嘉峪關。北路自昌平州州

驛至宣化縣宣  
化驛。出張家口。不得由軍站馳遞如混行籤發

者照例議處。○又奏定軍營承辦驛站無誤並

馳遞文報要速武職各官欽奉

諭旨交部議敘者分別一二等給予議敘。○又奏定

出征兵丁等家中有寄送之衣服等物或本家

有力帶去。或託相識之人帶去者。各聽其便。若無可託之人。將所寄衣服靴襪等物。以十斤為度。包裹妥協。註明旗分佐領姓名。並出征地方。該旗彙齊。咨送兵部。遇戶兵工三部解送官物之便。搭解軍營。交與該將軍等驗明旗分佐領姓名。交與本人。仍將收到之處。咨覆該旗存案。○又奏定出征兵丁內。或並無家口。其餉銀無人收存者。各該旗佐領加緊包圍。開明旗分佐領姓名。並出征處所。彙齊咨送兵部。遇有戶兵工三部解送官物之便。搭解軍營。交與本人收

領。仍將收到之處咨覆存案。其應領月米另冊造送戶部扣存倉內。俟凱旋之日按照扣存數目支給。若本身雖無家口情願將銀米交存親屬處代為置辦衣服什物者。該旗於出征兵丁起程之前詢明。准交親屬收存。○又奏定。

### 東陵

西陵承辦事務衙門一切奏章停止差遣官員俱交家人齎送。○咸豐三年

諭。現在軍務未竣。文報往來最關緊要。如道路遇有梗塞。該管驛站地方官即應設法繞道馳遞。若不知事

體緩急。輒將文報擅自遞回。貽誤匪細。著各該省督撫嚴飭臬司通行曉諭所屬州縣。凡遇緊要軍報。儻道路偶有阻隔。即從鄰近州縣改道行走。星夜飛遞。如有藉詞遞回。以致貽誤者。即著該督撫奏明嚴叅。並著兵部隨時稽查。將管理驛站之臬司暨該督撫一併叅處。○七年議准。

陵寢公文多闕祀典。嗣後各該衙門凡有發行東西陵公文。均著改交驛遞。以昭慎重。○同治元年諭。前因各路軍報驛遞任意遞延。疊經

皇考文宗顯皇帝屢次嚴加申飭。現在各路軍報仍未

能按照里數剋期遞至事關軍務豈容如此延玩嗣後著兵部於接到後按計日期里數如有遲誤者即行文各直省督撫沿途挨查嚴行叅處其尋常奏事各直省督撫等亦不得率行由驛馳遞以符定制而杜騷擾。又議准部院衙門咨行外省緊要事件及直省文武各官凡有事關軍機緊要釘封公文悉用高麗紙捻連釘兩處於紙捻兩頭黏貼印花下站接到上站釘封詳細查看如無私行拆動情形即由該站出具印收填明並無私拆字樣交上站遞送弁兵馬夫帶回呈明該管官查

嚴如接到時。查有私拆形迹。即由下站將上站遞送弁兵馬夫扣留。回明本站該管官秉公閱看。取具上站弁兵馬夫親供。一面將公文加封敘明上站拆動緣由。黏貼印花。趕緊前遞。毋得留難遲誤。如實因路途遠遠。其內裹包封印花完好。止於外面封皮擦損。查無拆動形迹。准下站接到後。將封皮擦損處加添封紙。黏貼印花。或黃繩磨損。別無他故。應即更換黃繩。均於印收內填明。交上站遞送弁兵馬夫帶回。以憑查數。○六年議准。有關文武官員缺分文件。俟有

應用馬遞公文隨時附入。惟不准將不應附者  
附入。及應附者不附。至鋪遞公文遲誤。令各督  
撫將每月收到各部院公文。摘寫事由。按三月  
咨報兵部一次。兵部按冊查對。如有不符。即將  
駐京駐省各提塘分別照例議處。○八年議准。  
嗣後凡遇補缺及有關人命。並通行章程一切  
緊要部文。統附驛遞。○十一年奏准。奉天府尹  
衙門陳奏緊要事件。就近咨送。

盛京兵部由驛馳遞。○光緒二年議准。吉林黑龍  
江兩省。凡部院各衙門咨行關繫文武缺分俸



餉儀制邊防軍政命盜重案等項緊要文件。即由各該衙門註明事由。交兵部附入馬遞其由該省遞京緊要文件。亦准由該將軍隨時詳查辦理。

欽定大清會典事例卷七百三

兵部

郵政管驛 塘務 生臺 鑾儀衛吏夫

管驛○原定兵部會同館馬匹。遴委本部滿司官一員監督牧養。限六箇月輪差。○又定於本部侍郎內。奏請

欽派一員。稽察館所事務。一年奏換一次。○又定會同館大使額設一員。專管夫役馬驢並遞送公文等事。○又定各省馬驛水驛。其需用馬驢車船人夫什物等項。各有額定錢糧。或設驛丞專

管。或屬州縣官兼管。或令武職帶管。俱責成各該督撫驛傳道稽察整治。○順治八年題准。兵部館所監督。三年一次更代。所有歲需夫馬車及各項錢糧。令其經管。每季將應用數目。造報車駕司覈明。具稿請咨戶部支領。據實給發應用。如馬有缺額疲瘦。及夫車短少。將該監督劾叅。○康熙三十八年。裁會同館大使一員。○五十二年題准。吉林驛站錢糧。管驛官管理。三年報滿。果無廢弛侵扣等弊。由將軍察覈保題。以該員應升之官即用。○雍正元年奏准。

盛京驛站錢糧司驛官正副二人協同管理。三年報滿。果能整飭。並無廢弛侵扣等弊。

盛京兵部戶部會同巡察官察覈保題。以該員應升之官即用。如三年內廢弛侵扣。會同題叅交部議處。○十一年奏准。喜峯。張家。獨石等口驛站錢糧。令司驛官管理。三年一次更代。○乾隆十年議准。山西成晉。鳴謙。仁義。蒙城。侯馬。浞芝。毓亭。皇輅。南關。權店。太案。芹泉。柏井。甘桃等十四驛馬匹。原係驛丞管理。續經改歸州縣。各屬政務殷繁。有顧此失彼之慮。嗣後照舊仍歸驛

丞經營。再大同朔平甯武保德各塘站馬匹。由  
霍州等處撥給者。均係該處遣人赴塘餵養。每  
苦鞭長莫及。所有此項撥協馬匹。改歸管塘州  
縣及驛丞就近總管。其額支工料銀。原管各州  
縣在省北者。豫季移交。在省南者。解交冀甯道  
轉發。○十二年奏准。驛遞額設馬匹。令各督撫  
委員稽查。有無疲缺扣剋之處。報部。如委員不  
行查出。即同該驛官一併查叅。儻該管上司漫  
無覺察。被督撫訪聞題叅者。交部嚴加議處。○  
十八年奏准。兵部館所監督。有經管錢糧之責。

向止用滿司官一人。嗣後增設漢監督一人。協同辦理。於漢司官內擬定正陪引。

見補用。○又奏准黑龍江驛站。係委筆帖式領催同管。所有部給關防。係支領錢糧之用。向來交與領催執掌。體制未免倒置。嗣後交與筆帖式專掌。領催協辦。凡支領驛站錢糧。由筆帖式鈐用。以專責成。○十九年奏准各省驛傳奏銷。及應付勘合火牌車船夫馬。並繳銷勘合等項。巡撫會同總督題報。其官兵朋扣馬匹銀兩。總督會巡撫提督具題。至各督撫題報用過勘合。毋庸

會銜。○二十年議准。驛站錢糧。均歸州縣經管。驛地止於應差餉馬。不必更設專員。現在直省各驛。除向來原歸州縣並佐雜等官經管各驛。毋庸議外。所有各省原設之驛丞。或係附近州縣。或移佐雜駐紮。均可裁汰。以節冗費。至錢糧出入。原屬州縣正印官之專責。所有佐雜兼管。並酌留驛丞之各驛。一切夫馬錢糧。均應統歸州縣經理。惟

盛京二十九驛驛丞。向於驛丁考取補用。各驛相距州縣寫遠。並無分駐佐雜。而驛丁均係旗人。

與別省情形迥異。且設有正副監督專司稽查。應將馬匹錢糧照舊存留。驛丞在驛辦理。責成該正副監督不時稽察。○二十五年奏准。葉爾羌至開展一帶軍臺沿途俱有回民居住。每臺分駐回民十名。綠營兵五名。共十五名。或前鋒校或滿兵。派能寫字者一名。賞給六品頂戴。以筆帖式委用管束。每臺辦給馬十五匹。駝四隻。每年四月至九月牧放。十月至三月。各該城發給料石飼錢。其奏摺報匣並限六百里公文。以及



廷寄。均令馬兵遞送。至尋常事件。即令回子步行遞送。其筆帖式綠營兵丁。照例支給鹽菜口糧。坐臺回子。不給口糧。照綠營兵例支給鹽菜。○三十二年議准。張家口外阿爾泰軍臺正站二十九處。腰站十五處。管站官十五員。向來遇有發往軍臺效力廢員。即令廢員管理。其餘臺站。係由京派筆帖式前往管理。今地方安謐。並無軍需要務。且本處官兵。坐臺年久。辦事亦屬諳練。應將坐臺筆帖式撤回。止留管站章京。所有各臺官兵。令其管理。至廢員俱係獲罪發往之

人仍留效力。○三十五年議准。哈密所通各回城。大道軍臺筆帖式。定例三年期滿。分別等次獎勸。至管理臺站官員。並未定有議敘議處之例。嗣後請將管理臺站官員。亦令三年更換。於期滿時。各該大臣出具考語奏明。賢能者交部議敘。若有疏懈。以致遲誤事務。損傷馬匹等情。亦令參奏。交部議處。○三十七年奏准。福建省福州府屬古田縣。設有水口黃田二驛。距縣遙遠。兼係入省咽喉。差務絡繹。每遇緊要差務。該縣必須親自料理。往返動經數日。公事不無遲

誤嗣後將該縣水口黃田二驛歸於該縣承管  
理附近地方額徵錢糧並歸該縣承徵收所有  
應給驛站銀兩即於所徵項下動支仍由該縣  
覈實造銷○又奏准開展所屬七格塔本臺起  
北路至伊犁南路至喀什噶爾塔爾巴哈台和  
闐等處臺站共計一百一十一臺往來遞送奏  
摺文移因多係清字曾奏明由伊犁滿兵內揀  
選識字者酌委筆帖式給六品頂戴支給筆帖  
式分例鹽菜口糧管理軍臺登記往來事件此  
內開展烏魯木齊庫爾喀喇烏蘇伊犁塔爾巴

哈台所屬。共四十六臺。每兩臺俱派委筆帖式一員兼管。其喀喇沙爾。庫車。烏什。和闐。葉爾羌。喀什噶爾所屬。共六十五臺。每臺俱委筆帖式一員管理。此項筆帖式每遇更換一次。計須百餘人。伊犁滿兵等。除差戍回城塔爾巴哈台等處。並坐卡牧廠等差使外。城內所贖為數無多。實難揀選。且北路伊犁一帶臺站。既係每筆帖式一員管理兩臺。其南路喀喇沙爾起至喀什噶爾止。六十五臺。即裁汰委筆帖式三十二員。亦令每兩臺派委筆帖式一員管理。○四十年

題准塘兵專司遞報。向由提塘募充。遠駐各省。稽察難周。應將沿途各站塘兵。責成所在州縣。嚴加甄別。遇有更換缺出。即由地方官招選妥人承充。並取保結與提塘一體稽察。○四十三年

論。向來各省驛站事務。直隸則係臬司兼轄。其餘俱係糧鹽道員兼管。該員等俱駐紮省城。以一人而轄通省郵傳。地方遼闊。稽察難周。莫若將各省驛站事務。皆令各守巡道按其所屬府州縣分司其事。而以按察使總其成。不必令糧鹽道兼管。如有本係專管驛

傳並無兼轄他務者。即將員缺裁汰。則事有專責。而呼應亦靈。僅再有廢弛及徇縱供應等弊。惟該管之司道是問。其如何分轄歸併及作何巡查稽覈之處。著該部詳細酌議具奏。欽此。遵

旨議定。嗣後各省驛務。若本係兼有分巡地方者。雖不令其管理通省郵政。其所屬之驛。仍令各該道管理。如驛務向係巡道管理者。亦止令其仍管本屬府州縣驛務。至各直省道員。既令分轄本屬驛站。自應令該管司道。將各站驛馬有無缺額疲瘦扣剋等弊。切實查驗足數。務期一律騰

壯。加結報部。仍將各站差員印花彙齊。按月送部查覈。如有前項情弊。及印花內有遺漏舛錯。濫應之處。一經查出。兵部即行照例叅處。儻該州縣等於差務往來達迎酬應。及差員跟役有需索騷擾等事。隨將該州縣官及差員等據實揭叅外。並將管理驛務之司道一併查叅。按例分別議處。○四十四年奏准。喀喇沙爾所屬察罕同格臺。係土爾扈特霍碩特貿易經由之道。該處往來文移。俱皆填寫清字。原派綠營外委把總兵丁。不能通曉。嗣後就近在於烏魯木齊

滿兵內。擇能識清漢文移通曉蒙古字者。酌撥  
一名。作為委署筆帖式。帶領綠營兵十名。駐防  
察罕同格臺站。俱照軍臺筆帖式之例。一體辦  
理。所有從前管理察罕同格臺站之外。委把總  
俱行裁汰。○又覆准。福建糧道。原分巡福州福  
甯二府。該二府所屬驛務。仍令糧道管理。興化  
泉州永春等府州屬驛務。令興泉永道管理。汀  
州漳州龍巖等府州屬驛務。令汀漳龍道管理。  
延平建甯邵武三府屬驛務。令延建邵道管理。  
總以臬司總其成。其臺灣一府。並無驛站。惟所



屬遞送公文。責令該道隨時督察。以專責成。○  
四十九年奏。阿爾泰四十四軍臺。每臺添派察  
克達官一員。兵十名。令其自備馬匹當差。奉

旨。照料阿爾泰軍臺察克達官兵。每年給予錢糧數目。  
究與舊有驛站官兵所食錢糧數目較少。又著伊等  
本身產畜。一同當差。嗣後驛站所有官差十分之內。  
著落舊有官兵六分。察克達官兵四分。○又議准兵  
部皇華驛館所車馬一百五十匹。差馬五百匹。  
滿漢司官各一員監督牧養。由兵部堂官奏派。  
一年一次更換。其監督交代時。兵部侍郎一員

從公監看。限一月內清楚。如有逾限。新任故意苛求。或舊任不能交代。藉端拖延者。照例叅處。此一年內。即令本年監看交代之侍郎董率稽查。其馬匹於春秋二季印烙。令車駕司司員每年四季查驗。堂官於春秋二季親加驗看。如缺額疲瘦冒領錢糧。將該監督等題叅。頭役提拏。俱交部從重治罪。仍令賠補。○五十三年議准直隸省所屬昌平宣化二站。向由兵部派往坐臺筆帖式各一員。領催各二名。半年更換。又派往張家口坐臺領催二名。一年更換。嗣後令軍

臺都統。即於駐防官員內擇其粗通文義者。酌派一員。帶同能識清漢字領催二名。令其接遞文報。其由京派往筆帖式領催。俱應裁撤。○嘉慶四年覆准。湖南省花園地方設駐總兵大員。該處至辰郡沅陵縣辰陽驛。遞送往來文報。始通馬站。其花園至辰陽一帶。崎嶇山路。險窄異常。皆馬力難行。今自辰陽驛起至烏宿。如係遞送花園總兵衙門文報。仍由辰陽驛馬遞外。其自烏宿起至花園止。作為九步站。設夫安站。專遞花園文報。責成承管之各該廳縣就近稽查。

其健夫應需工食。即由各專管廳縣按季赴司請領散給。入於年終造報奏銷。○十一年覆准。湖北省襄陽鎮改駐鄖陽府。又添設提督一員。駐紮穀城縣。與湖南花園地方添設總兵。事同一例。所有拜發本章及往來文報。即照南省辦理。烏宿花園一帶成案。設夫安站。自鄖縣起至襄陽縣城止。共安十七站。所設各站。自東關至界山。係鄖縣管轄。自遠河至管驛。係均州管轄。自胥家鋪至迴流灣。係穀城縣管轄。自王政橋至柿子鋪。係襄陽縣管轄。俱責成各該州縣就

近稽查專立健夫號簿。派號書赴站登挂接遞時刻。按旬調查。如有遲誤。即提該健夫責懲。仍按月造冊。齎司查覈彙報。○道光四年定。嗣後恭遇

聖駕行幸。

內廷所發奏摺本章等事。兵部派委筆帖式三員。領催二名。攜帶馬匹於

東華門外豫備。將所派筆帖式領催姓名。知會

景運門該班護軍統領。直省各處應安臺站。由該督撫按站安設。派用各該本省武弁馳送。如不

親身押送者。將該員弁及該管上司均照例分別議處。其安設臺站處所。並武弁姓名。報明兵部。數站之內。遴委地方官一員。往來稽察。十日一次彙報。

行在兵部查覈。○又奏定。嗣後恭遇

聖駕駐蹕熱河。自

啟鑒之日起。兵部的派滿洲司官二員。輪流駐紮土溝河干。豫備人夫船隻。照料本報文報。如遇大雨時。兵部滿堂官輪換一人。來往查看。俟秋分後。雨水稀少。河水消落。將駐紮司員酌量撤回。

儻遇陰雨。仍令馳赴河干照料。○又奏定直省各州縣驛站馬匹。無論接任署事各官接收。均隨同驛站錢糧。限兩月內交代清楚。如有逾限不行交代清楚。該督撫即將新舊各官遲延情由。分別註明指參。照例議處。交代馬匹之時。該管上司委員。同新任或署事。與舊任秉公驗看。當收當退。即行查點出結。仍取具監查之員。並無偏袒徇庇印結存案。儻有授受不公任意去取。以及故行推諉之處。監查之員詳報上司題參。如前任官有央求等情。新任官並不查點。勉

為收受。或隱忍不報。遽行出結者。將新任官照例議處。如舊任官已經足額。而新任官故意求疵。不受交代。亦照例議處。如監查之員。有徇袒徇庇等情。將監查之員職名咨送吏部。照徇情例議處。○又奏定。吉林所屬驛站官。由有品級筆帖式補授者。授為七品。無品級筆帖式補授者。授為八品。六年滿時。令其離任。該將軍查明任內驛站並無貽誤案件。具題咨送。以應升之缺即用。如任內有貽誤驛務事宜。查取職名。咨送吏部議處。○又奏定。虧缺驛馬虛冒驛費之



員。革職審追外。其驛馬疲瘦者。該督撫查明果係地當孔道。山路崎嶇。差繁站遠。即於題叅疏內聲明。將本官解任。勒限一月賠補。其員缺適委賢員署理。若能於限內賠補。題請復任。如限內不完。革職審追。○光緒十年

諭。各省設立驛站。遞送文件。原期迅速。而限行摺報。尤關緊要。乃各該省積習相沿。州縣於支發款項。尅扣侵蝕。馬匹丁夫諸不足額。文報致多遲滯。實屬不成事體。著各該督撫嚴查州縣夫馬必期如額。隨時督催稽察。遇有緊要文件。照章速遞。不准

稍遲以肅郵政。如該管各官任意玩誤。即著從嚴  
叅辦。不得稍涉徇隱。

塘務。原定凡題奏奉

旨之事。下科後令該省提塘赴科鈔錄。封發各將軍  
督撫提鎮。又定各省駐京提塘官。直隸一員。  
山東一員。河南一員。山西一員。江南一員。江西  
一員。福建一員。浙江一員。廣東一員。廣西一員。  
湖廣一員。四川一員。陝西。甘肅。新疆共一員。雲  
南。貴州共一員。漕河一員。凡鈔刊章奏事件。寄  
交各省。

敕書印信物件。以及各部院尋常咨行外省公文。俱交給遞送。又設兵部差官二十員。遇有緊要事。件。給發火票。交差官馳送通州。良鄉。昌平。順義。各驛接續飛遞。○又定各省駐防將軍都統及專城副都統俱給坐名。

敕書其餘副都統均各列職銜於將軍都統

敕書之內。不坐名。均由部揭送內閣撰給。交該省提塘領發。○康熙三十三年奏准提鎮

敕書內閣撰出。由部發給該省提塘領交。○五十三年議准各省提塘除傳遞公文本章並奉

旨科鈔事件外。其餘一應小鈔。概行禁止。違者治罪。  
○雍正元年覆准。凡提塘京報人等。除題奏

諭旨外。如有訛造無影之詞者。查拏治罪。○六年奉  
旨。提塘管理京報。設立久矣。豈能禁革不用。但伊等借  
郵傳之名。作姦滋弊。習以為常。如奉旨正法之人。可  
以豫通信息。亦可將奉旨寬宥之人。先期設詞嚇詐。  
此等弊端。不可不加防範。應如何定例。俾緊要事件  
不致先期漏洩。或以官員承充提塘。分別賞罰。定其  
考成。著九卿確議。欽此。遵

旨議准。提塘之設。難以裁革。向來多係微末職銜。自無

愛惜功名之念。且從未將作姦提塘及保送不實之各官。定有處分。是以種種弊端。無所顧忌。嗣後行令各督撫於本省武進士及候補候選守備人員內揀選。取具該地方官印結。申送咨部頂補。三年無過。照本班即用。怠惰貽誤者。即行斥革。如將應密事件豫通信息。及設詞恐嚇詐騙。一經發覺。即交刑部治罪。其出結之該地方官及督撫失察者。分別議處。○八年奏准各省駐京提塘。以本省武進士及候補候選守備充補。三年為滿。屆期十月以前。咨取各督撫送

部頂補。其赴部遲延者。照例議處。○十二年議  
准。督撫提鎮以下各衙門。有咨呈在京各部院  
公文。於公文外別具印單。將角數及何年月日  
封發之處。一一註明。令提塘隨公文投遞。各部  
院查對明白。於原來印單內註明收到日期。發  
還原衙門。以憑稽考。有無抽壓遺漏。○乾隆三  
年議准。奉天將軍及五部府尹。除緊要公文交  
盛京兵部由驛遞送。其尋常咨行在京各部院及  
各直省公文。歸併直隸提塘辦理。由通州知州  
發鋪司。交提塘查明分送。至在京各部院發往

奉天各衙門尋常公文。均交直隸提塘。由通州知州發鋪司。送到奉天所屬地方。交馬快即送。○五年覆准。各省塘務。向令正副提塘同居辦事。近來副提塘一項。有名無實。通行各省督撫。嗣後該省副提塘缺出。毋庸揀補。遇本省差遣事出。令正提塘仍照舊例辦理。○又奏准。各省督撫走差家人。與該省提塘俱相熟識。遇有進獻方物。該提塘通知各提塘。遂至妄行開入邸報。各報本省。至於

賞賜之物。則督撫家人往往告知提塘。屬其開載邸

報以示

恩榮。不知此皆不應開入邸報之事。嗣後督撫鹽政關差所有進獻方物。或奉有

賞賜。俱不許提塘於邸報內開寫。○十年議准。凡應給

敕書各官。如有外任升轉者。內閣官奉

敕於該科登號。傳該省提塘官齎送。該提塘官具領狀鈐蓋戳記。送科備考。如違例私發。或從他處轉寄者。查出叅處。○十三年議准。各省提塘鈔發本章。必須謹慎。有應密之事。必俟科鈔到部



十日之後方許鈔發。如有邸報先於部文者。該督撫將提塘叅處。○十五年議准各鹽政

敕印。向來均由都察院委員齎送。今委員齎送印信已經停止。嗣後

敕書亦應停止。委員齎送。歸併戶部給發。提塘官齎送。○二十一年議准各省發遞科鈔事件。例應責令提塘辦理。以杜私鈔訛傳洩漏之弊。嗣後令各提塘公設報房。其應鈔事件。親赴六科鈔錄。刷印轉發各省。所有在京各衙門鈔報。總由公報房鈔發。仍令六科五城御史嚴行訪察。如

有訛傳私鈔洩漏等弊。交部治罪。○二十八年  
奏准湖廣兩省。向共設駐京提塘一員。嗣後改  
為湖北湖南二提塘。分省辦理。以專責成。遇有  
缺出。各於本省出結保送。○三十八年覆准。各  
部院衙門。如有奏准議覆應行發鈔事件。該承  
辦衙門。即將原奏鈔錄鈐蓋印信。發交直隸提  
塘。按日刊刻頒發。仍令該提塘將發鈔底本及  
原奏印文。按十日彙報兵部存案。若承辦衙門  
並未發交。該提塘等混行刊刻傳布者。一經查  
出。即將該提塘查叅議處。○又奏准頒發印信

關防。除督撫藩臬差官請領向無稽延。仍照舊  
例外。其道府副參等官。統限接到部文四箇月  
內。遇有便員。順附咨文請給。否即專差妥役赴  
領。至同知通判。照給發州縣印信之例。交提塘  
遞寄。以免稽遲。○四十八年議准。京提塘更換  
之時。該督撫輒以並無合例人員。咨請留辦。嗣  
後提塘留辦之處。永行停止。如該省武進士內  
無合例之員。即照武舉充補差官之例。於已揀  
選之武舉內通融保送。○道光四年奏定。各省  
頂補提塘領文赴部。違限半年以上者。罰俸六

月。一年以上者。罰俸一年。○同治八年奏准京外塘遞公文。按各官赴任憑限計算。如逾限未遞到者。即照例叅處。○又奏准。沈匿尋常文件。該管文武員弁。照例處分。○又奏准。提塘貽誤塘務。例應斥革。○又奏准。各省鋪遞文件。無論偏僻州縣。均有夫役。即均有責成。亦由各督撫轉飭所屬。隨時稽查。其由何處稽延。即指叅何處。

生臺。○原定阿爾泰四十四軍臺臺務。由兵部咨取各部院衙門筆帖式。籤掣補放。管理一年。

更換一次。其內外職官犯罪者。或奉

特旨發往。或由內外問刑衙門問擬請

旨發往。均交兵部令其坐臺效力贖罪。此項坐臺廢

員。如補在第十臺以內。每月令繳臺費銀四十

三兩。第十一臺以外。每月令繳臺費銀三十三

兩。三年期滿。臺費全完。由軍臺總管具奏請

旨。如應交臺費。尚有未完。雖期滿不得具奏。其有呈

請情願捐贖者。無論已至臺未至臺。由兵部咨

查戶刑工三部。該員名下若無應行追賠未完

銀兩。即鈔錄獲罪緣由清單具奏。如奉

旨准其贖罪者。俟該員贖罪銀兩全數交清。令其各  
回旗籍。○乾隆三年奉

旨。坐臺筆帖式一切用度。俱出官項。與自備資斧者不  
同。一年更換。為期未免太速。嗣後著三年一次更換  
議敘。○十三年

諭。坐臺廢員。皆係效力贖罪之人。朕既加恩准其更換。  
守候數日。未為不可。即欲使伊等不致久候。亦當將  
更換之人。作何催令速赴軍臺之處。籌畫辦理。豈可  
不候交代。即令回籍乎。甚屬錯謬。至記名欲行發往  
軍臺之廢員。皆係應在京守候之人。更不得令其回

籍安居。從前部議亦未周詳。著交該部將此項人員。如何留住京師。不致遲誤更換之處。定議具奏。欽此。遵

旨議定。嗣後凡奉

旨發往坐臺發員。除現在京城人員。兵部仍照向例。當即傳令赴部。發交五城收管。不時稽查。令其守候。遇有應換臺缺。即行令其前往更換。至在籍尚未到部發員。兵部於奉

旨並准咨之日。即行文該督撫委員送部。仍將該省至京程途站數。覈計月日。令其依限到京。並將

覈定日期。先行咨部存案。逾限不到。兵部即行  
挨查。如係委員沿途逗遛。即將委員叅處。○十  
四年奏准。嗣後坐臺人員有願贖罪者。令其在  
部具呈。兵部奏明請

旨。○三十七年

諭。嗣後凡遇坐臺贖罪人員。著咨查戶刑工等部。如有  
本名下應行追賠未完銀兩。概不得准其奏請贖免。  
著為令。○四十年

諭。本日兵部奏將不繳臺費之員交刑部治罪。已依議  
行矣。此等不繳臺費之員。刑部照例按數定擬。最重



不過杖責。微末員弁。於力既不能完繳。亦止可如此辦理。若職分稍大。或曾為州縣之員。緣事坐臺。其臺費自應按限繳足。如過期不繳。即屬有意遲延。或該員知逾限不完。部叅治罪。不過問徒完結。轉得借此。即回內地。適以遂其私志。殊未允協。著交兵部存記。嗣後如千把末弁坐臺不繳臺費者。該部仍照例奏請治罪。其職分稍大及曾為州縣以上之坐臺各員。如已滿三年。不能按期繳費。即將該員永遠留臺。不准復回內地。以為觀望取巧者戒。○五十三年奏准。撤回軍臺坐臺筆帖式。其發員仍令照例坐臺。

○五十四年議准。軍臺效力發員。三年期滿交完臺費者。仍由軍臺都統具奏。其限滿未完各員。除千把末弁照舊辦理外。其曾任州縣以上之員。亦令軍臺都統奏

聞。交兵部移咨各員旗籍。及歷過任所。查明財產有無隱匿寄頓。其有力能完繳故意遲延觀望者。查出財產入官。將該發員發往烏魯木齊。永遠充當苦差。該旗籍任所。各員於查辦之時。如不詳加察實。率行出結。別經發覺。一併將出結之員嚴叅治罪。如實係赤貧之員。由該旗籍出結

咨部。行令該都統將該發員再留臺五年。遣回  
旗籍。○五十七年

諭。向來贖罪人員。一經准贖。輒以借交銀兩為詞。安然  
家居。免赴戍所。迨至期限已滿。又復具呈請展。藉詞  
延宕。均所不免。嗣後凡有奏准贖罪立限完繳者。仍  
令前赴戍所。俟贖項繳清之日。再准回籍。如有及早  
完項者。即可令其早回。不必拘定限期。如逾限不清  
者。照舊例治罪。○嘉慶三年奏准向來發往軍臺發  
員。如有具呈請贖者。俱准暫緩發往。勒限一年  
完繳。如逾限不清。除將本犯發往外。仍將具呈

之親屬一併擬徒。此次清理庶獄。其已經發往之發員。亦比照舊例。如有遞呈請贖者。暫准釋回。勒限一年完繳贖項。如逾限不繳。除將遞呈之親屬按例擬徒外。仍將該員發往軍臺。按其到配年月。加倍定限留臺。○四年奏准。嗣後軍臺發員。准其贖罪者。仍令留於戍所。其尚在京城者。亦仍令前往。俟贖項完繳。不拘年限。即行釋回。○六年定。坐臺發員。取用盤費。如家中無人可以齎送。准在管臺大臣處呈明。咨行各該旗籍。並知照兵部。准將盤費銀兩具呈送部。遇

便搭解。其由該家屬具呈願寄戍所盤費。令將銀兩數目並發員姓名。坐臺處所註明。遇有戶兵工三部解送官物之便。搭解軍臺。交與該管大臣飭付本人取具收領。咨覆兵部存案。○十二年奏准。嗣後坐臺發員內。其曾任州縣以上之員。不能完繳臺費者。行文各該旗籍任所。查明委係赤貧。具結到部。知照軍臺都統。該都統於文到日。鈔錄獲罪原案。並聲明無力完繳臺費緣由。具奏請

旨遵行。其有隱匿寄頓情弊。仍照例發往烏魯木齊

永遠充當苦差。至文職佐雜武職守備以下各員。弁。三年內不能完繳臺費者。於期滿之日。即由軍臺都統鈔錄獲罪原案。仍聲明該員弁不能完繳臺費。應改擬杖徒舊例。具奏請

旨。此內有仰邀

特恩釋回者。兵部於奉

旨之日。即行文軍臺都統釋回外。其照例改為杖徒者。行文該都統。即將該員弁發交宣化府。飭縣派役逐程遞解。係旗員。即解交刑部照例辦理。係漢員。即解交該員原籍督撫定驛發配。均杖

一百。徒三年。到配後仍知照兵刑二部存案。○  
二十五年

諭嗣後凡有擬發軍臺效力發員。在京呈請贖罪者。該督撫務遵例查明。如有賂項。先行追繳全完。方准奏請。毋得含混干咎。○道光四年奏准。由外省起解軍臺效力贖罪發員。於文到日限一箇月起解。該督撫將起解月日報部備查。如有遲逾。即行指叅。如實有患病逾限不能起解者。地方官驗實。加具並無捏飾印甘各結。詳明督撫起限。不得過兩箇月。仍即咨部查覈。若有假捏及逾限不

行起解者。該州縣及失察之上司各職名。咨送吏部分別議處。○又奏准。凡發往軍臺效力贖罪各項人員。有呈請情願捐贖者。在京由兵部咨查戶刑工三部。如有應行追賠未完銀兩。概不准其奏請。在外則由該督撫一面咨報兵部。一面行查戶刑工三部。俟部覆到日。如該發員並無未完官項。方准據情奏請。其奏准贖罪之員。應繳銀兩。立限完繳者。令仍赴戍所。俟贖項繳清之日。再准回籍。如有及早完項者。即令其早回。不必拘定限期。如逾限未完者。由部叅奏。



將出名具呈之家屬。拏交刑部治罪。其在臺人員有因病呈請捐贖者。由部奏

聞。俟贖罪銀兩全數繳清。令其各回旗籍。○二十六年

諭

兵部等衙門會議廣東已革知縣浦國仁收贖軍臺效力贖罪一摺。軍臺發員向無收贖之例。浦國仁仍著不准收贖。嗣後各省遇有軍臺發員捐贖之案。著照舊例奏明請旨。概不准違例題咨。以符定制。○咸豐九年奏准。嗣後軍臺發員奏請發遣者。迅即照例起解。不得任其借留營之名。作藏身之計。

其奏請免遣者。於奏准之日起。予限一年。遣人赴部。按照例載。每月臺費四十三兩最多之數。呈繳實銀。不准因功奏免。並不准於臺費未繳之前。保舉開復官階。如逾限不繳。仍行發遣。不得以奏免在前為詞。亦不得藉口有經手未完事件。再請展限。以杜取巧違玩之弊。至該廢員或甫經到臺。或到臺較久。該營奏請釋回發往軍營差遣者。如到臺已逾年半。照向例成案。按在臺月日。及所派之臺。覈計臺費。如數呈繳。如到臺未及年半。即令按所派之臺。呈繳三年臺

費之半。若該廢員曾經呈報無力完繳臺費。在臺三年期滿。而留臺未符五年之例。得邀釋回。有呈請捐復及保舉開復者。均令補繳三年臺費實銀。其留臺已滿五年釋回者。無論捐復保舉。概免補繳。○又奏准擬發軍臺已革廢員。係未經到臺之員。應加倍呈繳臺費。方准免遣。雖呈報篤疾。仍令該廢員呈繳連閏三十八箇月臺費。實銀一千六百三十四兩。又加一倍銀一千六百三十四兩。折繳京錢六千五百三十六串。如數繳足。免其發遣。○光緒十年奏准。廢員

尚未離臺。今按照三年全數臺費接算繳清。方准釋回。如該革員業已各回旗籍。應由該旗籍查傳該革員赴部。補行繳足三年全數臺費。始准完案。嗣後除恭逢

恩詔查辦減等者。仍按照在臺月日令其完繳外。遇有廢員情殷報效。應由軍臺都統查明。必先在部交清三年全數臺費外。另有報效銀兩者。無論年滿與否。准其奏明請

旨。俟

賞收後。將報效銀兩繳清。再行奏請

恩施如三年全數臺費尚未繳清。僅有報效銀兩者。不准代奏。○十一年奏准軍臺廢員贖罪章程。按效力月日之淺深。以定捐輸加成之多寡。除未到臺者。仍照一臺至十臺例。每月繳銀四十兩。按三年連閏三十七箇月加倍交足。准予免遣外。其已到臺者。無論一年以內。一年以外。概令各按所撥臺站應交銀數。扣除已經效力月日。仍應照例按月繳清。其餘未經效力若干月日。應交臺費。均令加五成交足。方准釋回。如該廢員有情願捐輸者。即飭令遣人赴部具呈。

完繳實銀。俟覈准後。知照戶部將銀兩收訖。再由部奏明請。

旨。准予釋回免遣。該發員在臺效力日期。以覈准之日為斷。其軍營獲咎之員。不得援引辦理。以示區別。

鑾儀衛更夫。○原定鑾儀衛額設更夫二十名。由兵部於八旗漢軍佐領下馬甲正身閒散人內選補。送衛當差。每名月給銀三兩。共養馬十匹。每匹月給草料銀三兩。遇

巡幸隨園及

駐蹕等處撥往直更候時更香。由兵部行文光祿寺給發。○康熙三十一年。增設更夫十二名。○雍正十年議准。更夫馬十四全裁。遇有隨園差使。由兵部撥給八旗官馬。盤費等項。仍由衛支給。○乾隆三年奏准。更夫三十二名。不敷應用。再增設八名。共四十名。以供差務。